

Broj: 02-1460-42/20

Datum: 22.09.2022.godine

Na osnovu člana 64. stav 1. tačka b), člana 70. stav 1, 2, 3 i 6. Zakona o javnim nabavkama („Sl. Glasnik BiH“, broj 39/14 i 59/22), (u daljem tekstu: Zakon) člana 39. internog Pravilnika o javnim nabavkama broj: 01-8-4-1/15 od 02.07.2015.godine, u skladu sa Statuom Javne zdravstvene ustanove Univerzitetski klinički centar Tuzla, u vezi sa zapisnikom o pregledu i ocjeni ponuda broj: 02-1460-41/20 od 15.09.2022.godine, (u daljem tekstu: zapisnik) u otvorenom postupku javne nabavke zajedničkog medicinskog potrošnog materijala i kontrastnih sredstava, objavljenom na portalu javnih nabavki pod brojem: 867-1-1-10-3-11/21 od 21.01.2021.godine i ispravke obavještenja 867-1-1-10-8-83/21 od 09.04.2021.godine i u Sl.glasniku BiH broj: 6/21 i 23/21 na preporuku komisije za javne nabavke, vd Direktor je donio

ODLUKU

o izboru najpovoljnijeg ponuđača

I

Prihvata se preporuka komisije za javne nabavke i okvirni sporazum za javnu nabavku zajedničkog medicinskog potrošnog materijala i kontrastnih sredstava dodjeljuje se ponuđaču kako slijedi:

“Proma” d.o.o. Sarajevo

Za **lot 190** u iznosu 20.300,00 KM bez PDV-a, odnosno 23.751,00 KM sa PDV.

Za **lot 193** u iznosu 86.200,00 KM bez PDV-a, odnosno 100.854,00 KM sa PDV.

II

Prijedlog okvirnog sporazuma dostavit će se na potpis izabranom ponuđaču iz tačke I ove odluke po isteku roka od 15 dana, računajući od dana kada su svi ponuđači obaviješteni o izboru najpovoljnijih ponuda.

III

Ova odluka će se objaviti na web-stranici www.ukctuzla.ba, istovremeno sa upućivanjem ponuđačima koji su učestvovali u postupku javne nabavke u skladu sa članom 70. stav 6. Zakona.

IV

Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav 2) Zakona, zajedno sa zapisnikom u skladu sa članom 65. stav 2) Zakona.

O b r a z l o ž e n j e

Postupak javne nabavke zajedničkog medicinskog potrošnog materijala i kontrastnih sredstava pokrenut je Odlukom o pokretanju postupka javne nabavke broj: 02-1460-1/20 putem otvorenog postupka objavljenog na portalu javnih nabavki pod brojem: 867-1-1-10-3-11/21 od 21.01.2021.godine i ispravke obavještenja 867-1-1-10-8-83/21 od 09.04.2021.godine i u Sl.glasniku BiH broj: 6/21 i 23/21. Predmetna nabavka je bila podijeljena u lotove. U ostavljenom roku ponude je dostavilo ukupno 38 ponuđača. Nakon javnog otvaranja ponuda Komisija za javne nabavke je izvršila pregled dostavljenih ponuda te utvrdila da su svi ponuđači dostavili dokaze zahtijevane tenderskom dokumentacijom zbog čega su ocijenjeni kao kvalifikovani za daljnje učešće u postupku. Komisija je u nastavku izvršila ocjenu prihvatljivih ponuda koje su podnijeli kvalifikovani ponuđači primjenjujući kriterije za dodjelu utvrđene u tenderskoj dokumentaciji, nakon čega je po okončanju e-aukcije sačinila konačnu rang listu ponuđača. Za lotove 190, 191, 192 i 193 u žalbenom roku zainteresovani ponuđač je izjavio žalbu koju je Ugovorni organ proslijedio Uredu za razmatranje žalbi. Ured za razmatranje žalbi je rješenjem broj: JN2-01-07-1-1399-10/22 od 09.06.2022.godine usvojio žalbu žalitelja i predmet vratio Ugovornom organu na ponovno razmatranje i odlučivanje.

U ponovljenom postupku analize i ocjene ponuda komisija je dala preporuke za dodjelu okvirnog sporazuma kao i odluku o poništenju, kako je to sve decidno navedeno u zapisniku o pregledu i ocjeni ponuda broj: 02-1460-41/20 od 15.09.2022.godine. Shodno zapisniku a prema utvrđenoj rang listi, razlog za izbor ponuđača sadržan je u činjenici da je izabrani ponuđač podnio prihvatljivu ponudu koja je primjenom člana 64. stav 1) tačka (b) ocijenjena kao najpovoljnija. Iz zapisnika je utvrđeno da je Komisija za javne nabavke pravilno izvršila ocjenu prispjelih ponuda a izbor ponuđača izvršen je u skladu sa Zakonom o javnim nabavkama, podzakonskim aktima, i tenderskom dokumentacijom. Shodno naprijed navedenom a primjenom člana 64. stav 1. tačka b) Zakona o javnim nabavkama, odlučeno je kao u dispozitivu.

Pouka o pravnom lijeku:

Protiv ove odluke može se podnijeti žalba Ugovornom organu najkasnije u roku od 10 dana od dana prijema ove odluke.

Prilog:

- Kopija Zapisnika o pregledu i ocjeni ponuda

Uradio:

E.K. referent za pravnu podršku javnim nabavkama

Kontrolisao:

S.J. Šef službe za Nabavu

79

VD DIREKTOR
Prof.dr.med.sci. Denijal Tulumović

Denijal Tulumović

Dostaviti:

1 x zainteresovanim Ponuđačima
1 x A/A